




Pranuar / Dorezuar Priljeno / Prudato Received / Delivety	16-04	2021	1	viti god year
Organ / Njesia Organ / Jedinstvo Org / Unit	Hi Prot Br Prot Prot No	Shtetes Prilog Appendix	Sasia Kolicina Quantity	
SKMBH/1820/2021			1/3	



## Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.132/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Jeton Koca-kryetar, Eshref Shabani dhe Malsore Gashi-Bajraktari-anëtarë dhe Avdyl Bekteshi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.132/2021 të datës 11.03.2021 të parashtruar nga ankuesi me adresë fshati Terstenik, Rr.“Enver Kukaj”, Nr.66 Komuna e Drenasit, kundër organit të punësimit-Ministria e Mjedisit dhe Planifikimit Hapësinor, në çështjen juridike “kompensim material”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, nenin 47 dhe nenin 48 paragrafi 1 të Ligjit Nr.05/L-031 për Procedurën e Përgjithshme Administrative, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 15.04.2021, mori këtë:

### V E N D I M

Hedhet poshtë si e palejuar ankesa me numër A.nr.132/2021 e datës 11.03.2021 e parashtruar nga ankuesi

### A r s y e t i m

Ankuesi i punësuar në Ministrinë e Mjedisit dhe Planifikimit Hapësinor, me datë 11.03.2021 ka parashtruar ankesë me numër protokollit 1097/2021 të regjistruar me numër A.nr.132/2021 në Këshillin e Pavarur Mbikëqyrës për Shërbimin Civil të Kosovës, kundër organit të punësimit Ministrinë se Ekonomisë dhe Ambientit.

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datë 16.03.2021 ka dërguar kërkesën për përgjigje në ankesën e ankuesit të Ministria e Mjedisit, Planifikimit Hapësinor dhe Infrastrukturës. Këshilli me datë 25.03.2021 ka pranuar përgjigjen në ankesë se bashku me shkresat e bashkangjitura të lëndës.

*Kolegji për Shqyrtimin dhe Vendosjen e Ankesave ka administruar këto prova:* Ankesën me numër protokoll 1097/2021 të regjistruar me numër A.nr.132/2021 në Këshillin e Pavarur Mbikëqyrës për Shërbimin Civil të Kosovës; Kërkesën e datës 08.01.2021 të parashtruar nga ankuesi pran Departamentit për Inspektim të Mjedisit, Natyrës, Ujërave, Ndërtimit dhe Planifikimit në Ministrinë e Ekonomisë dhe Ambientit; Akt Emërimit e ankuesit te datës 03.07.2017; Aktgjykimin P.nr.326/18 të Gjykatës Themelore në Pjesë- Departamenti për Krime të Përgjithshme; Përgjigjen në ankesë te datës 25.03.2021 dhe E-mailin e datës 01.04.2021.

Kolegji për Shqyrtimin dhe Vendosjen e Ankesave, pas shqyrtimit të të gjitha shkresave të lëndës të parashtruara nga palët ka konstatuar se ankesa e ankuesit *është e palejuar, sepse:*

Bazuar në shkresat e lëndës, respektivisht Akt Emërimit e datës 03.07.2017 është konstatuar se ankuesi është i punësuar në pozitën e punës Inspektor i Mbrojtjes së Natyrës në Ministrinë e Mjedisit dhe Planifikimit Hapësinor.

Me datë 11.03.2021 ankuesi ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimet ankimore për njohjen e të drejtës për kompensimin e shtesës në pagë në emër të kushteve specifike të punës, respektivisht rrezikshmërisë, si dhe kompensimin për pajisen me veshmbathje stinore për ushtrimin e detyrës, siç përcaktohet me dispozitat e Ligjit Nr.04/L-175 për Inspektoratin e Mjedisit, Ujërave, Natyrës, Planifikimit Hapësinor dhe Ndërtimit. I njëjti kërkon që kompensimi t'i bëhet në mënyrë retroaktive nga data 03.07.2017.

Kolegji për Shqyrtimin e Ankesave bazuar në provat e lëndës ka konstatuar se ankuesi për njohjen e të drejtës për kompensimin e shtesës në pagë në emër të kushteve specifike të punës, si dhe kompensimin për pajise me veshmbathje stinore për ushtrimin e detyrës, nuk i është drejtuar paraprakisht me kërkesë udhëheqësit me të lartë administrativ si organ kompetent për trajtimin e kësaj çështje në kuadër të organit të punësimit, kështu që lidhur me këtë objekt të ankesës nuk kemi veprim apo mosveprim nga udhëheqësi me i larte administrativ në raport me të drejtën e pretenduar në ankesë, për çka ankuesi mund të kontestonte ligjshmërinë e veprimit të organit të punësimit, apo mosveprimin e tij, siç parashihet me dispozitat e Ligjit Nr.06/L-114 për Zyrtarët Publikë, përkatësisht nenin 24 paragrafi 3 ku përcaktohet se: 3. *Nëpunësi civil ka të drejtë të paraqesë ankesë drejtpërdrejt në KPMSHC për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil, si dhe dispozitat e Ligjit Nr.05/L-031 për Procedurën e Përgjithshme Administrative, përkatësisht neni 124 ku përcaktohet se: 1. Pala ka të drejtë të ushtrojë mjetet juridike administrative ndaj çdo veprimi apo mosveprimi administrativ, nëse pretendon se të drejtat apo interesat e saj juridike cenohen nga ky veprim apo mosveprim.*

Çështja e parashtrimit të ankesës kundër vendimit të organit të punësimit është e përcaktuar edhe me nenin 16 paragrafi 1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës.



Andaj, meqenëse ankuesit në këtë procedurë nuk kanë parashtruar fillimisht kërkesë të udhëheqësi me i lartë administrativ i cili konsiderohet punëdhënës i ankuesit, Kolegji vlerëson se nuk janë përmbushur kushtet për pranueshmëri të ankesës, siç përcaktohet me nenin 129 paragrafi 1.2 të Ligjit Nr.05/L-031 për Procedurën e Përgjithshme Administrative.

Kështu që duke u bazuar në nenin 18 paragrafi 1 nen paragrafi 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij vendimi.

Vendimi hyn në fuqi ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**Lënda me numër A.nr.132/2021**

**Avdyl BEKTESHI**

Zyrtar i Lartë për Bashkëpunim Profesional

**Jeton KOÇA**

Kryetar i Kolegjit

**Vendimi i dorëzohet:**

- Ankuesit
- Sekretarit të Përgjithshëm të Ministrisë së Mjedisit, Planifikimit Hapësinor dhe Infrastrukturës;
- Kryeshefit Ekzekutiv të Agjencisë për Mbrojtjen e Mjedisit të Kosovës;
- Udhëheqësit të Burimeve Njerëzore të Ministrisë së Mjedisit, Planifikimit Hapësinor dhe Infrastrukturës dhe
- Arkivit të KPMSHCK-së.